

皇明經世文編

皇明經世文編卷之三百七十

徐孚遠闇公 宋徵璧尚木

華亭

陳子龍臥子 夏允彝瑗公

輯選

翁 曆紀長參閱

魏敬吾文集

疏

魏時亮

議處兵戎要務疏

兵戎要務

以下諸疏公為給事時所為議處兵戎要務以裨安攘事臣等奉命巡視京營

夙夜兢惕竊見京營之設所以重內蓄威戒不虞而

昭聖武者、最安攘中之一要也。皇上更定三大營、而戎政始新、大臣祇奉德意、易統務、用邊將、而積弊始釐、近復立鎗箭之賞、別車戰之伍、而各兵操演諸務、始漸有足觀者矣。但兵則似衆、操則似勤、所謂實可對壘向敵、尚所未有、苟不竭思計處、竊懼堂堂大都、密邇犬羊、叵測之境、一有警急、所恃以披堅執銳者、果何人也。庚戌之警、虜薄城下。癸亥之警、虜入潞河。而我師我旅、未聞有一人奮甲挽弓而向之者。蓋由平日不竭思計處之過耳。臣竊謂兵非不可用也。

彼精兵亦人耳。在素練而素馭之。今惟視京軍爲必

我○以○無○用○視○之○後○亦○以○無○用○自○待○此○近○日○晉○兵○格

不可用。是以懦者罔立。若使以必可用練之。以必可

以○或○成○虛○糜○也

用馭之。將可振起懦夫。結草思奮。計今少加處置。所

謂以必可用練之者有三。以必可用馭之者有三。練

之者何。一練紀律。二練膽。三練操戰之法。所謂紀律

者。除部伍分數。斬然號令。作止肅然。衝之不懾。撓之

不亂。一切在將官計處外。至于平日教練之紀律。要

在奇正相生。血脉相貫。心志定而耳目熟也。夫家丁

○軍○有○選○練○而○一○軍○之○士○

倍食于軍。謂其足爲軍倡。然以家丁爲先鋒。爲出奇

○昔○可○用○非○謂○舉○軍○庫○情○選○鋒○也○
則必以正兵爲後繼爲營壁此最相須爲用卽今日
最宜相須操練者而紀律血脉始相貫耳迺今家丁
另歸主將而衆軍操演各營使臨敵而驟合紀律血
脉素欠熟閑臨敵而不合家丁一枝勢難獨出合無
今後家丁仍分戰兵各營俾與軍士相習但脆弱數
多徒糜廩食蓋其月兼二軍之食必其強力精藝倍
于軍士者須于開操之日將官五日畢操將本管家
丁校選一次每次漸汰一二脆弱者內有自邊逃入
未可出邊者並令實供俱解總督巡視驗過發下軍

兵營補伍着操。此後不得濫收虛冒。惟精選者登籍。日合營軍操習。庶竒正血脉。無不聯貫。而紀律可素。閑矣。練膽之說。最難言也。非練膽之難言也。不責實效。不急遠圖。言之爲最難也。今欲責實效。急遠圖。必令軍士常經戰陣。庶膽於是乎可練。而軍於是乎可用。苟經戰陣。知虜無足畏。卽家丁不經戰者。三年習浪。爲市傭。雖強勇而柔懦矣。養之何益。操之何益。欲令經戰。須令出邊。人言京軍之出邊難矣。此蓋不仰體。皇上務思徹桑土以豫防。國家之急者。所謂

不急遠圖，不責實效。斯言出而練膽之所以難言也。

切謂京軍出邊非難也。惟不選不教而出邊處之無

法而出邊羣數千之衆而出邊，吾見其難耳。今乞于

戰兵十營，各盡一營精選得四百名，同家丁二百名

是為詳切可行

以下令為本營中哨，悉以邊將馳殺決戰之法不時

破格加練之，不在常操演營之限。明年教練一年。至

後年春二月初就五軍戰兵一營二營，各所教四百

名內再加精選，各得二百名。除月糧行糧外，人月給

安家銀三錢，同兩營家丁。悉令出邊，名曰敢戰義勇

軍每出兩枝。至秋八月。又於五軍戰兵三營四營。選去秋班到邊收伍。方發春班回京。分班更迭。五軍戰兵出畢。次及神樞。次及神機。凡一卒出邊四次。又選別卒頂補教練。每出兩營。卽就兩營中擇一將官。令節制該管千把總官。領去該邊交割。其該管千把總務平日精選智勇能戰者。凡領去到邊收伍後。管將卽節制前班家丁軍士歸營。惟該管千把總。卽畱邊點率各軍。悉聽該邊將指麾節制。班滿日。該邊將備開賢否到部。并巡視京營科道官處。若各官在邊同

家丁軍士有驕情生事。及臨陣退縮者。聽從該邊將以軍法處治。所出該邊宜薊鎮宣府稍近。仍定名赴某副叅遊擊。日常經戰累功者。標下移文內嚴令將家丁各軍。悉分散于各哨各隊伍中。不許分別京邊。另作一哨。悉令經戰。並不許令其修守。該出邊軍士。務皆精選前去。所赴該邊將官。於到日俱揀閱一過。有大不堪者。回文總協巡視限半月內抵換。所換軍仍責戒。追安家銀。凡發換五十名上者。巡視叅論。該管選練將官罰治。如是則選練務精更迭有法。二百

之卒又分散邊軍各隊伍中此必無大損者卽有損
失乞勅兵部例不論究著爲成規積而行之則營軍
多經練之膽疲卒成義勇之夫不然雖日操十萬之
衆亦終若無人之境耳所謂操戰之法切謂操者卽
所謂戰也其操如戲則見敵卽走今之操法營中之
以積久成套故其操亦無開實用

殺敵以馬射爲長而今以步射爲賞且演操卯散少
遲之則心切傭販者闐然起矣須于每年開操之初
總協巡視會同分日將車戰各兵揀選一過盡汰年

衰力弱者。補足後。仍卽如前。所謂將戰兵營。各精選
四百名。同各家丁。于該操日散操之後。各將官點齊
再操。所謂破格加練之。號曰選練。初操日起。每間一
日選練一次。惟末操日。按選家丁暫免。在練者當日
人給口糧一升五合。其不與選練官軍。月減口糧五
升。以備選練等加給之費。且示激勸甄別至。中軍
千把總。營中漫無專責操練之法。此皆所謂隊將者。
可不加之意耶。今後車戰營日操。中軍千把總同大
閱。過指揮等官。候補把總缺者。俱于選練次日。仍散

操後再操亦間日一操。號曰官練。在練者當日人給犒賞銀三分。至于選練官練之法。須專令邊將經戰者。及經戰家丁分散各營。悉以在邊奔擊廝殺及頂頭走射輪刀旋馬之法教之。馬常超馳飛逸。心惟在于殺射。而不憂于蹶躓。射仍圓把。把仍八十步外。凡可爲決勝衝擊之法。俱令邊將悉心教練之。仍將教練之法。呈於總協。頒示各營。而各營每日步射打鎗之賞。定限將官每五日操畢。遍將一營校閱一次。中者賞之。大遠者責之。若每日常行操習不賞。惟總協

巡視不時閱中者賞之。但選練家丁。須要給與馬匹。宜查城守備兵巡捕老弱軍名下壯膽堪戰之馬。兌給。不足則太僕寺補兌。責令五人連名保結。歇家親識保結。及該管中軍千把總認管。以防拐逃。迺若營中器甲。尤最不堪見敵者。選練官練之日。苟不以必。可。見。敵。之。器。甲。練。之。臨。敵。而。易。殊。不。便。習。難。于。取。勝。必。矣。蓋。京。營。弓。弱。矢。小。器。皆。朽。鈍。可。操。習。取。賞。而。不。可。以。卽。戎。今。宜。用。邊。鎮。鋼。快。刀。硬。弓。大。畫。桿。鋼。頭。箭。至于。盔。有。脫。瓣。甲。有。落。葉。寬。短。不。合。頭。體。皆。爲。不。堪。

須用宣大一塊鐵碗于盞冷端甲甲葉上紅下綠定造堅密。最可勝戰者稱人分給書名其上。卽乞勅下兵部冬內調取邊鎮善製前項器甲匠役十數人來京。同京匠如邊法造之。并發式樣。移咨應解弓箭等項處所。兩件折解一件。貴在精堅。不貴于多。務堪實用。如是則選練官練可精。而操法卽可以決戰矣。此三者練之之大略也。馭之有三者何。一曰主帥得人。二曰分帥得人。三曰管教提教得人。主帥者坐營是也。今坐營將官。易統袴而用邊將。此善之善者。但去

住不常。難期實効。蓋使坐營而久不經戰。則髀肉復生。戰略漸疎。使邊將而席不暇煖。則教練未成。猶夫過客。合無今後除邊警急調營將往赴。內警近調邊將應用外。至于無事少警之時。各將官坐車戰營者。定限二年。已滿卽令陞調出邊。其自邊調入坐營。倘非最爲要害之處。卽經戰有功者。不次調入。若查有廢將累功者。仍宜行取坐營。庶教練之主帥有常。而京邊胥練矣。分帥者中軍千把總是也。迺今披服行伍。而于殺敵嚴陣之法。漫無知者。萬有不測。卽望其

分隊以作將領衆以爭先鮮不僨迺事矣今宜及時
訓飭先須開操之日總協巡視千未選軍士之先會
同分日將車戰各營中軍千把總不堪者汰去分爲
二等老弱徑發備兵營收操年力尚堪者仍以原銜
換人備兵城守將備兵城守中軍千把總強力精藝
者并閱視過候把總缺指揮等官最堪選用的補足
車戰各營員額補足之後方可如前所陳官練官練
一年總協將教練中毘優者秋操畢列名送過兵部
兵部再加揀選數十名陞調出邊仍將在邊中軍千

把總等官可用者，調入補缺，亦最是京邊互練之法。至于激勸各官，最宜加意。伏乞勅下兵部行令總協除三年大閱視外，其每年年終閱視一次，須添改爲春秋操畢，校閱二次，不必年終。蓋兩番操習，並宜甄別激勸故也。凡春秋兩操，於演營後校閱，除將官照每年事體，仍加賞勸外，其中軍千把總官，務宜分日過堂射箭，及馳馬衝殺，嚴校藝勇一番。有知戰陣者，投其陣法，但車戰各營，一起嚴校。備兵城守等營，一起嚴校。兩爲甄別。凡校時，總協巡視，各記優劣，既畢。

商定次序。一一賞銀責戒。惟秋操賞責外。列名盡送兵部。優者陞邊。劣者知會備黜。如是則人皆激勸。而分帥多可用之才矣。大軍有管隊管教隊卒也。軍有教師提教各伍也。臣切見管隊卒多病傭。教師毫無藝勇。夫管隊須令必爲一隊之倡。而教師須令可爲十人之師。迺今虛應故事如此。此誠營中切務千萬之衆。其脈絡條貫皆繫乎此矣。臣等昨于管隊。雖行各營選換。但必題議成規。及教師並宜慎簡者。合無今後每年開操之日。總協巡視。卽日嚴行牌面傳示。

各營一一精選管隊教師。總協巡視。每入看操之時。各營不拘舊管新換。一一解驗。有不堪者責治中軍千把總官。慎無姑息。把總項下有不堪至五名以上者。中軍千總項下有不堪至二十名以上者。除責換外。操畢類題罰俸。又訪得精壯之卒。不願管隊。以營中取辦拘攝。大多故也。總協巡視牌行精選。仍宜牌內嚴戒官職取索。凡一應拘攝及查點不到事情。責貼隊。每隊添設貼隊一名。各管官軍二十五名。其管隊教師專以隊伍整齊。武藝精熟。責伊教管。如是而

隊伍武藝始無不整不操習之患矣。此三者馭之大略也。臣又切見城守備兵各營除力弱年幼者每多精壯間有衰病甚者則又不堪爲軍。夫精壯者在於備兵益避車戰操習爲偷閑計耳。合無選軍之時令該營中軍千把總官舉出匿者責戒重則查究總協巡視選軍又逐一唱名選過既無姑息又無被其欺隱若衰病者汰去責拘軍餘補伍不致虛冒食糧但城守各營其官軍或甫及三千之半而把總則盡如車戰之多。公家旣爲虛設之員軍士病于多官之擾

固初設衛軍多官少以爲後漸增世職官多而軍病

皇明經世編

卷之一

十

夫故管軍官云

亦足以致削軍士

四

仍乞勅下兵部行令總協將三大營內城守兵十一

枝掣三營之卒分補八營務各足三千之數餘者汰

其老弱盡歸備兵此後每營定足三千不足則坐營

卽將其隊不足呈來歸併卽減把總員額其減去各

員有堪用者挨次候缺不堪者着伍收操此亦戎務

之當議者若夫營中晁爲虛文故事其積弊大當釐

正者京操之班軍是矣夫班軍離父母棄妻子越千

里而至者重京操故也謂之京操卽宜操管有法此

蓋祖宗強幹弱枝擁衛神京之意耳東土江北中

州率多長大強勁之產。際此卒伍脆弱之秋。苟能練得一士。亦足爲用。而顧委之以疲困之工。運土扒沙之役。可乎。若曰分操派在各營。最爲可訝。臣每入營。見其獨立一叢。執竿橫向。全無部伍之紀。全無操習之藝。蓋稀寡不能成行。空立又何約束。各該營官。且未之及。而况責之練乎。其在該班都司。又不過記其到京之日。令赴該營收操。而漫無所事事矣。臣切謂此最虛文之不忍見。而積弊之所當釐者。何以處之。臣切謂城守兵十一營。掣空三營外。更宜添設三

營共得六營。分屬五軍等營內。皆名曰班軍營。以中都班軍分二營。河南班軍分二營。山東班軍分二營。每營春班大約五六千。秋班大約八九千以上。就五六千八九千內。分作三班。一班做工。一班常操。一班教練備征。但係頭年做工者。次年常操。頭年常操者。次年教練備征。頭年教練備征者。次年做工。務嚴僱倩更替之禁。凡做工夫役不足。宜取足城守備兵營內。不許取足班軍中。常操備征之卒。如是則京操既非虛應之文。班軍漸有可用之勇。且又合爲一處。操

在一營。入操者隊伍可整。未到者着實可追。其領班都司。卽爲中軍。更於劄付官內。選最優者爲千總。次爲把總。下者亦令隨伍督工管隊。但坐班軍營將官須用邊將經戰最精明能練士卒者。緣條去條來。非精明不足以紀之。烏合烏散。非經戰不足以齊之。志不素定。非能練不足以訓之。此最爲兵戎積弊。所當釐正者也。凡此者。皆求軍士不虛伍。而操練非空文。求責實于可用而已。向使虜無叵測之勢。京軍尤須責實。以戒不虞。况今虜勢匪茹。而邊事單弱。最爲不

支蓋沿邊搶殺漸空。而入搶必漸逼京邑。倘有警報。則車戰之兵。必不可視爲無用之卒。徒至歲糜百萬。以仰負聖恩已也。但芻蕘之見。言之非艱。行之爲艱。行之非艱。務責實效者爲艱。伏乞勅下該部覆議。果未可行。卽條悉利害。以明事宜。如或覆議詳酌。取自聖裁。凡大小臣工。共宜以敬君事爲義。而以責後效爲忠。毋得虛議屢更。實心罔竭。務俾義勇出于積懦。之後。神氣可強。武備飭于久安之餘。國猷可壯。此臣愚書生之見。最有望于今日者矣。

題爲懇乞申勅部臣查覆 祖宗臨御便殿事

宜疏

臨御便殿

仰惟 皇上近日忻從諫止翔鳳之工、褒納殿廷駢馬之疏、以至重孝思、資輔弼等奏、具蒙溫旨優嘉、播之天下、傳之後世、克終令名、咸謂大聖人復作、當此之時、苟謂 皇上不肯受言、是誣 皇上、臣下不敢盡言、是欺 皇上也、但臣下每欲進言、而苦於燕見陳說、未有會逢、 皇上每欲受言、而苦于外面事體未盡知悉、今日必使 皇上得隨意以問于臣、臣下

得輸誠以見於君者。非今日第一義乎。向自御門起數。徃于舊規。奏事之唱空文。壅隔上下。未交治理。無裨。昨皇上勅進經筵日講之儀。臣等正欲陳說。思得斟酌舊文。務採新益。而該部適已題覆。今所恃以隆我皇上交泰之治者。僅存。祖宗御幸便殿一事。言官曾已具陳。皇上曾賜溫旨。而該部尚未覆議。請裁耳。伏乞勅下該部。卽量。祖宗幸御文華便殿事體。卽應。祖宗午朝之期。務一切削去虛文。無泥舊套。俾聖心安坐。樂親乎此。得以虛懷下訪。自輔。

臣九卿言官咸得以切直開陳。若聖體少倦卽時得
宴息乎此遊行飲食如意所適節宣有度出入有時。
臣伏見古之大臣苟可引君竭誠用意無所不至。若
一一以虛文阻隔故事拘泥而使君臣不得盡誠者。
非柱石之義也。奉明旨而不肯擔當議覆非將順之
心也。若夫近日章疏之上時或數日留中要緊者咸
知聖覽未經不要緊者亦每淹滯不下不免大爲聖
政之累專乞勅下該部凡每日章疏於會極門叩進
之時日輪科臣二員臺臣二員面詢遞本員役是何

題奏。或題奏上仍用浮帖。少書節略數句。若不對同。有罰。該科道諸臣。查看關係緊要者爲第一等遞進。其條陳覆議。一應爲二等遞進。常套題知爲三等遞進。庶仰裨聖覽。詳略不至大勞。皇上卽於次日御殿。令閣臣就殿內外最近直房票擬。有應面請者。面見陳說商量。其題奏該衙門官。卽令當面承旨。若有未盡。仍許面奏。及補本再進。如是卽御便殿一事。聖聰日廣而不勞。聖政日新而無弊。上下自此可交。天下自此大治。而聖心常樂。聖體常安矣。臣又伏聞天

下猶一身君爲元首臣爲股肱是必元首相親而後
股肱克運近者嘗見 皇上以錢法召大臣以邊賞
召大臣諸凡召命不一而足查得 祖宗時召見大
臣得近御前君德帝治問答久之非一召令詣門承
旨卽遽退已也專乞 皇上不時召見最賢輔大臣
是必從容訪問 皇上可任意以問臣下可輸誠以
答帝堯之聖只在稽衆帝舜之聖只在好問倘 皇
上任意問答卽都俞吁咈之風復見今日而天下有
不歌舞傳誦者乎近日又仰聞 皇上深居禁苑時

○日○滿○法○度○太○上○履○性○承○者○少○以○錢○容○訪○問○爲○有○以○

○益○

有遊行此亦節宣聖體帝王在所不廢但古之帝王必令臣下相從。若 皇上獨御只令供役隨行不免犯虞廷罔遊于佚罔淫于樂之戒。若召諸賢大臣及一二言官護隨時得進言啓沃且有節度則喜起卷阿之風亦將可望。彼宋太宗僅宋室一賢主耳猶獲召羣臣賞花釣魚賦詩後世稱之矧 皇上明聖陋宋之太宗而不爲者耶。近者又見孟夏時享 皇上昧爽臨祭百官奔從未及無不乞恩認罪然則勵精夙興尤我 皇上鼓舞臣下綱維交泰之最要者是

在保養精神。以運布之于百官。運布之于天下而已。若不保愛。則精神易虧。聖體且勞。聖治何補。伏乞皇上軫念聖體宜重。退朝燕閑。凡保愛精神之法有五。臨朝聽政。凡運布精神之法有四。五者何。夫靜坐端嘿。獨臥宴息。則精神必凝。焚香開卷。對越上帝。則精神必清。美麗器物。足以眩惑精神。務屏去而不好。嬉遊宴樂。足以蕩散精神。務防檢而有節。女色常御。足以耗竭精神。務希減而寡愛。如是則聖體有萬年之壽。聖德有日新之久。聖治有太平之象。至于臨朝

政理、運布精神、姑舉其所知之要者、臣伏見九卿衙門、各有典章。祖宗以來、禮法具在、倘奉行事體未盡如法、此後乞勅大臣執奏、如不執奏、仍責令科道查糾、庶天工可亮矣。言官廼我皇上耳目、耳不用則無聞、目不用則無見、矧天下至大、萬機理亂至微、而聞見爲最難者乎、此後乞勅言官封駁、諫諍糾彈、務在婉曲盡誠。皇上審其言之未當者、曲爲優容、言之既當、卽令着實舉行、不至空言無補、則天聰四達矣。至于四海萬姓、養之在守令、而綱維乎令者尤

在守教之在提學官、激揚而淬勵之在各撫按、此後
乞 皇上勅下該部、務精擇巡撫、精擇提學郡守、勅
下都察院、務精擇御史、不專擊搏、專務倡率養民教
民之政、回道考覈、不以空文、如是而後天下之民、無
有于不治、若夫進京員役、皆令辭朝之日、得言該處
地方極大利病、科第出身者、限令奏聞一疏、着實有
益、該部題覆、酌量賞之、縱無大益、不許空談搪塞、如
是而後天下之事、無有于不聞、以此運布精神、庶幾
風動雲流、皇上不勞而治、是故保愛之法、運布之

要、最爲化機、皇上留神加意、可以勵精、可以綱維、便殿之御、自茲有恒、天下之治、如運諸掌、上下交而泰、道理將與堯舜比隆矣、

乞開召田之法疏

西北召田

臣等伏見 國家財賦、取辦東南、然東南民力竭矣、民之聚居者衆、不足以自供、官之誅求者急、將起而爲盜、一遇水旱、減稅蠲租、而國計將不足焉、况邇來運道多艱、河患告急、舉六軍萬姓之命、日盼盼焉、惟東南之轉輸是望、萬有不繼、則憂將在 宗社矣、臣

等伏謂爲今之計、除治河責餉、計取東南外、其在西北田賦亦最不可不加之意焉。夫西北地近畿甸、東南遠隔江淮。近則可備卒然之虞、遠則當防意外之患。今者西北之賦不足以備卒然者、豈其地之不逮東南哉。自古帝王井田仰給六軍、萬姓皆西北地。誠非地之不逮東南也。惟東南多可耕之民、而西北虛可耕之地。今欲使民日加多、土地盡闢、誠不可不開召田之法耳。伏乞勅下部院、嚴咨北直隸、山東、河南等處撫按、通行所屬、凡有水利可通之處、治以江南

水田之法一切厚募江南之民教之仍各備查田土

丈量均賦通計無主之田及力不能種之田若干責

令該處有力流寓商賈一一量種各該畝數悉免賦

役二年又多方招撫流移蠲其逋負給與牛種一切

免租二年若更有多餘田地移文江南各省民衆處

所有貧窮荒歉願徙某處者官府給引給費責徙安

插賑恤一切免租三年有卑微職官願住官所者聽

其受田有南方軍衛無田屯種者許調北衛營田凡

此五者無非欲召多餘之民以實西北空虛之地苟

可計處。仍望當事者。及大小各官。俱各議擬奏聞。但西北守令。務安撫。見在之民。即可招未歸之衆。此又所謂不召之召者。夫民苟召至。則北地漸實。財賦漸克。惟乞著爲實政。不作空談。則西北東南國計民瘼。咸有所賴矣。

爲重鎮危苦已極懇乞申飭休養疏

休養遼

仰惟 國家定都幽燕。薊鎮固誠脊背。而遼東者實薊之右臂也。人之一身。緩急捍衛。皆臂所爲。臂苟失守。脊背亦終不保。以薊鎮爲慮者。可不以全遼爲急。

乎。顧今之議遼者。或謂軍不足伍。急在於補軍。或謂
三面受敵。急在練戰。殊不知遼未嘗一日而無虜軍。
未嘗一日而忘戰。使巡撫總兵得人。則戰守可恃。無
恐練戰之議。似非所以援遼之急矣。迺若補軍。則清
勾視爲故紙。而召募阻于重關。臣嘗目擊其地。見在
者有苦楚難狀之情。未至者安望其有尺籍日增之
盛。苟能保其見在之軍。是卽所謂不補之補。遼之急。
誠不專在補伍。而專在休養生息之爲計也。蓋遼之
困窮極矣。自嘉靖三十八九年間。全遼歲歛。一望絕

烟丁壯死亡十空八九緣此尺籍徒存城堡虛曠膏
腴之產鞠爲汙萊城堡虛戰守苦于無人膏腴廢養
贍苦于不給由是父子兄弟盡取克伍而月支又不
過二錢五分之糧臣昨經過斗米二錢一月之支不
穀數日之食四望堡外卽連虜營戍守接伏舉皆菜
色荷戈枵腹披甲可憐之狀真有耳所不忍聞目所
不忍見者矣臣書生也亦無能爲遠慮者姑舉知見
所及有六事焉一曰通海運夫遼之有海運舊矣金
州旅順口直抵登州一晝一夜安行無阻昔兵備劉

剛去第六條

九容謂遼東如物墜囊中出入無路幸有旅順口一

內為登州門戶誠要地也

旅順外以臨海連地

帶天造地設為遼門戶其開原西北有老米灣者自

二岔河通之又舊時海運泊船處也一自海運廢而

遼之咽喉命脉絕矣歲稔粒米狼戾既無貿易之期

歲凶坐致死亡不過勺合之賑今高平寧前一線內

通而三岔河口一舟可阻萬一虜情叵測則全遼固

胡虜之釜中肉也昨給事中鄭大經亦疏稱虜苟提

一旅以塞岔河則運餉不接遼陽坐斃臣伏思海運

一通在凶年則遼得山東之粟以存活而山東得貴

糴之利在稔歲山東得遼之粟以廣儲而全遼得貿易之利卽或三岔戒嚴一線路阻又賴海運之舟素具而咽喉之患可蘇一舉而五利具焉皆海運爲之也顧前後建議查據未清以山東之民雖便而山東之官則恒以譏察爲慮殊不知海運雖禁而遼海之私販私逃者未始不通苟使船隻有定籍開洋有責限商貨有定課在船人數兩岸有盤詰查對相同而金登泊船之處各除設甲科官員掌之嚴立法禁又何必更以譏察爲慮哉伏乞勅下該部覆議卽行遼

東撫按及今設官議法已定縱不欲通行無阻或每歲某季許民一通或遇遼東大熟荒歉之年巡撫題請只許官府一通則遼之命脉可活咽喉無阻蓋遼與山東原係一省海運開而山東之轉輸于遼者甚便惟布花折色悉照今見行事例不必議改國初布花由海運抵旅順糧米由海運經登州今山東憚布花本色之輸多阻格海運之議此必不可復者若以海濤爲辭則金登路近原非險途縱有風濤惟在駕船得人造船有法若以逃軍爲辭則臣愚譏察之議

既諗且寺卿陳天資曾考海商之出自遼者給引于
察院掛號于苑馬驗引有金州之守備驗放有旅順
之委官抵登則有該府通判之驗備倭都司之驗法
亦嚴密逃軍豈能越渡但患推諉成風任事者少道
傍作舍成之最難而遼固萬無一濟矣酌而行之所
以濟遼亦所以廣山東之利此誠遠圖慎無謂儒生
之言迂闊也二曰重堤築臣伏見鎮武西寧等堡去
虜不過數里且往來道路悉遼之東西咽喉也往者
王巡撫因虜騎時突官民難通廼開路河以阻胡騎

而近日魏巡撫沿河靠裏復打路墻無非防護道路以通咽喉之意但三四年來口外水溢夏秋之間鎮武等處巨浸成川地不可耕人不樂戍而守堡各官日恐軍丁逃散輒令人于路口要拏之治以刑罪此但可苟延旦夕殊非久計竊慮數堡宛在水中亦終作無人之境而已咽喉之地是尚可終守哉臣嘗深思措處以爲咽喉之不可終守非其地之不可存活也特水之爲患耳苟其地可耕則其人樂戍往者鎮武等堡地方禾黍離離且稱樂土今水之爲患每由

路河灌入而路墻一帶雖藉以防道路實可資以捍水患者也。臣經過時咸稱今歲之水最大。尚未盡沒路墻。然則路墻加堅加厚。水患必可防禦。昨臣備行親踏。非敢漫談。伏乞勅下該部行令遼東巡撫務于今歲冬春之間多調軍士修補路墻。令各分丈尺。如有倒塌。卽每歲責伊名下補築。悉加設法堅高。或沙土大鬆。如何設法堅久。或多打木椿。遍植榆柳。責限能幹官員督成。并動支無礙銀兩。勞賞軍役。如果一年無冰。可爲永賴。有勞大小官員。年終並許疏聞量。

賞如是則堤築必固水患必防地將可耕人將樂戍
然後踏鎮武一帶各該六十里內了無一堡處所各
瞰中增築一堡二堡仍調各軍守之必如是而後東
西可通咽喉不患于不守也。三曰責開種臣伏見遼
東一鎮惟金復海蓋安樂自在等州遼陽城郭等處
人烟稍聚其他處地方皆一望無人遍地草莽是遼
東有可耕之地而每患無可耕之人也。昨李御史題
請寺道各官給與屯田勅書亦臣愚積久之慮但各
官各守地方苟不責限有法則稠密之鄉稍稍開種。

虛曠之地。竟鮮耕鋤。况以責委管屯守堡等官。又不
過虛應故事而已。遼尚何賴哉。伏乞勅下該部行令
遼東撫按轉行寺道官員。凡所屬人烟稀寡者。備查
屬下委有荒蕪。及力不能種之田若干。卽移文於稠
密處所召種。凡所屬人稍稠密者。備訪殷富有力之
家。不拘廢閑將官商賈人戶。堪以額外受田若干。卽
責令于就近稀寡處所。或分佃僕。或贍窮軍開種。悉
免其稅三年。該寺道官文移交互務各躬親踏看。設
法措處。不得憑信所屬軍官虛文搪塞。一年之內。將

查處開種數目。互呈撫按訪實奏聞。該部考其殿最。咨行吏部。以備黜陟。如各該寺道。應委文職屬官。查訪踏看。除見在通州知州等官。許均平分委外。若果委用不敷。許申呈撫按。奏請吏部除選甲科數員補之。但得各官措處有方。地少開曠。使軍無米珠之恨。則遼無坐斃之憂。誠切務也。四曰處收斂。遼之卒伍。空虛甚矣。廼見在子遺之卒。率每月爲虜所殲。是以軍丁日少。村屯荒廢。議者有見于此。故嚴收斂不謹之刑。設法建置。不一而足。而村屯之軍。竟苦于不肯

收歛。拘之就堡。如就桎梏者然。於是守堡管屯。乘機索賄。凡軍丁欲不收歛者。亦咸樂以賄遺之。蓋寧爲虜所殲。不爲收歛所苦。豈無故哉。只緣收歛之堡大遠。訓諭之術不明。且一經收歛。多失其所。無惑乎非人情之所樂也。伏乞勅下該部。行令撫按轉行寺道各官。並宜預處。各該躬親相度。凡各村屯。就其近處。創立堡臺。俱在二十里內。臣每見遼東築堡。各軍不給工食。而工又刻期限完。是以堡多不固。虜來莫守。今誠宜寬其時月。責其堅完。若工役多苦。量加犒賞。

至于先期訓諭。務使知虜來必殺之慘。報至樂從。先期經畫。務令每家各就收斂。堡內各蓋草房以俟。不令男婦雜處。堡危則共趨墩臺。可避緩急。凡軍官有受賄賣放收斂者。撫按嚴立重刑。題請處治。此皆所謂處收斂之法。惟官司重爲留意。將無不可斂之家。無不保全之地。所謂休養生息者。蓋匪細矣。五日厚困卒。臣伏見遼東接壤虜巢。更無邊險。而寧遠前屯一帶。尤號虜衝。是以錦義西南山海東北。凡城堡各軍一一家。克伍。既無暇耕之人。零賊常擾。又無樂

耕之地。此皆所謂困苦士卒。誠不可不稍爲優恤者也。近者給事中鄭大經題請鎮武西平等堡軍士月糧。旣例止二錢五分。應給本色半年。特以鎮武各軍困苦已極。誠優恤之不容緩耳。今寧遠前屯一帶。咽喉關係。同于鎮武。而軍士困苦諸狀。尤不下鎮武。各軍仍乞勅下該部。行令巡撫查將寧前一路要害處所。悉照鎮武等堡題覆事例。凡月糧皆給本色半年。而鹽糧儲積多貯困苦各軍堡內。迺若哨報夜不收困苦旣深。關係尤重。除近日議加優恤外。更乞立爲

賞格。凡有哨探得實。先期不爽。禪虜來得預防禦之計者。悉與首功同賞。如是則困卒樂為見用。可以得虜情。可以守危險。沿邊皆然。在遼尤急。誠今日之遠圖也。凡此五者。悉出書生淺愚。固非安遼遠略。惟皇上勅當事者。重加之意。則芻見亦足以資聖採。邇言實可以彰廟謨矣。

懇乞聖明嚴揀宮僚近侍預養皇儲以光昭燕

翼事

揀擇宮僚

足獲廟時疏

臣聞古語有言。養太子不可以不慎也。皇上俯從

禮部冊立之請，將正東宮太子儲位，臣民懼怯，臣伏
謂立固不可以不蚤，養尤不可以不預，蓋我皇上
篤愛皇儲，此聖帝明王極盛之德，中外傳誦，所謂養
之者實愛之之情，所必至也。養之之法，無他在，得正
人以輔導之耳。人情愛子，莫重于愛其子之賢，尤莫
先于愛其子之壽。自古皆然，今皇儲年正幼，冲穎異
之德性，漸開而方長之精神，未艾，是必養得其人，則
精神不爲外物所誘，有以培壽命之源，德性不爲聞
見所遷，有以作賢聖之本，輔導之任，關係如是。皇



上可不嚴勅內外務擇正人以昇之也哉外而官僚

所以備講讀之官此事尤為嚴密內而近侍所以供伴讀之用皆所

謂東宮之輔導者昔三代帝王之養東宮也雖幼在

襁褓之中即選擇天下之端士孝弟博聞有道術者

衛翼之逐去邪人聞見皆正是以三代帝王多壽多

賢而周公之輔成王抗世子法于伯禽遂俾成王為

成周之令主今者官僚之任雖遲而儲材之選宜素

伏乞 皇上諭令輔臣將翰林院館閣諸臣之中必

備訪德行賢明之士倘有不足則嚴選新科徵聘隱

此又視政官何如耳

逸期在拔得數人。選極天下。先期列名上請。以備除
補官僚。但臣切慮官僚之任尚遲。獨近侍之用至速。
一舉冊立。伴讀卽隨。要必選得其人。廼令習已。蚤成
化由漸入。復擇官僚轉導。庶幾儲養日完。昔日孝
宗敬皇帝在儲官也。天下萬世咸推本儲官之賢。亦
孰可忘輔導之自。蓋我敬皇帝之令德。實東宮內
臣覃吉能朝夕輔導以翊成者也。敬皇帝年甫六
歲。卽在儲位。與今皇儲幼冲正同。考其初立也。日得
典璽局郎內臣覃吉者爲之輔導。吉之爲人識大體。

通書史。溫雅誠篤。議論方正。大學中庸論語諸書。皆以口授東宮。動作舉止。悉導以正。暇則開說五府六部及天下民情農桑軍務。與夫堯舜都兪吁咈典故。每樂言之。常曰。吾豈望富貴。但得東宮有賢主足矣。純皇帝賜東宮莊田。吉備曉東宮以辭。不必受。曰。天下山河。皆主家所有。何以莊爲。徒勞民傷財。爲左右利耳。竟辭之。東宮常隨老伴念高麗經。而吉適至。東宮駭曰。老伴來矣。卽以孝經自携。吉跪曰。茲得無念經乎。曰。否。讀孝經耳。東宮出講。必使左右迎請講官。

講畢則語講官云。先生喫茶。苟丞內臣張瑞不以爲然。吉曰。尊師重傅。理當如此。凡此皆覃吉之所以輔翼。敬皇者。人知敬皇之德位名壽。本之東宮者。爲萬世所瞻。亦孰不知覃吉之輔導贊襄。書之史冊者。爲萬年所譽。迺今內臣之中。若大若小。可以選伴東宮者。豈無如覃吉之賢。寓于其間乎。伏乞皇上。際今揀選東宮伴讀之日。嚴勅司禮監掌印。會同老成管事者。務細訪各該應選內臣性行。拔得忠正博聞。宛有如覃吉者數人。其智巧逢迎。性氣乖方。皆不

皇明經世編

魏敬吾集

棟樑管僚

无

平露堂

二十九

可用設于中倘有用賄營求各置私人者許內外諸臣凡有所知指名叅奏如是則在內伴讀既先資保護之忠在外官僚日可施啓沃之力此誠我皇上愛養皇儲之第一義而古先帝王之以燕翼子者莫是過矣

皇明經世文編卷之三百七十一

徐孚遠聞公 宋徵璧尚木

華亭

選輯

陳子龍臥子 何 剛愨人

宋徵輿轅文叅閱

魏敬吾文集

疏

魏時亮

題為聖明加意虜防恭陳大計一十八議疏

虜防

欽惟 皇上登極首歲而黠虜東西深入掠縣破州

荼毒生靈之慘，昔所未有。仰蒙聖明加意，特諭內閣，令文武羣臣詳議防虜之計，誠轉弱爲強之會。千載一時，臣雖至愚，敢不罄其一得。仰禪睿採，竊惟前代防虜之議亦多矣，然止于防邊已也。我國家定都幽燕，密邇虜穴，宗社宸居甚重，則防之者應得必勝之算，而議之者當責必効之功。況今虜勢甚強，邊防甚廢，前之失事無及，後之伏禍可憂。使復若宋人守忠厚而乏廟謨，議論多而成功少，則靖康之禍，殷監昭然。是故懷報主之思者，務披肝靖獻，而所議必責。

其可行、任當國之責者、務忘身、永圖而所行必責其
可効、是以臣等不及敷布文辭、惟在直陳事體、以仰
荅 皇上着實詳議之諭、乞 皇上一一垂聽之、臣
等伏聞兵法有曰、先爲不可勝、以待敵之可勝、又曰
多算勝、少算不勝、况無算乎、今者虜勢猖狂、來不能
禦、去不能追、任其得志、莫與爲較、我中國之失算亦
久矣、日積月累、漫不講求、至使邊邑之勢、有如厝火
積薪、都城之勢、有如處堂燕雀、當此極壞之餘、使更
不深求必勝之算、筮臍何及哉、是以防虜之計、在先

定勝算而定勝算之議有六、一曰去常套以選練必

戰之兵將、臣等伏見

國家積弱病在常套相拘稍

有振刷惟恐罪至、殊不知邊事之振與不振、國勢之

保與不保、恒係之此、而尚拘常套、可謂之有人乎、兵

為虛伍、將為備員、上下相蒙、言之流涕、姑舉其大者

如薊鎮常套在于守牆宣大以西常套在于擺邊、迺

今據牆而牆不能守、擺邊而邊不能守、常套之債事

可知矣、伏乞勅下兵部、嚴行各邊、痛鑒今日積弱、痛

去已往常套、如薊鎮宣大等處、即合守牆擺邊之卒

滿清末年房數大入故有守牆擺邊之事勞費無

益其甚于此也

○至○其○甚○予○此○也○

○

○

量除墩堡瞭哨者。餘皆聚爲數營。總歸各將在薊鎮。分劄十路。并宣大等處。各該分劄要害。夫兵旣聚矣。則痛去老弱。抵數之常套。務精選之。旣選矣。則痛去漫無紀律之常套。務精練之。故古者名將領兵。不過數萬。而搏戰轉鬪。橫行天下者。以其兵之皆聚。皆練。而所領最精。故也。兵貴精不貴多。古今明訓。昨義院口之潰墻。特始于一卒之先走。兵之瑕者。最爲堅累。深。憚。兵。勢。又豈可貴多。而不惟精之擇乎。誠使盡去常套。聚合皆精。則邊境千里。搏戰轉鬪。何患哉。至于偏裨千把。

最爲勇敢之倡。亦皆務去常套。汰其不堪練戰者。精選補換。務使將爲敢戰之將。兵爲敢戰之兵。而常套悉去焉。二曰。定更番以嚴責信。地之應援。臣等伏見拘常套者。謂擺邊守牆之卒。皆令聚而選練。意者沿邊路遠。應援不及。防守不周。臣伏謂常套泥此。是以失算積弱。可憂。咸坐此耳。蓋使擺邊守牆之卒。果素練也。猶懼勢分力弱。不堪應援。今擺守將士。真孔子所謂不教民戰。是爲棄之。若旣聚而選練。自可責其防守。責其應援。益凡沿邊地方。應分屬某將某營防

禦者。果有應防路口。卽責本營月輪選練之兵一枝。駐劄。次月仍輪一枝。若路口大寬。嚴限烽火哨報不爽。卽責月輪駐劄之兵防禦。如是則在營選練之時。什九。而在外駐劄之時。什一。庶四時訓練。兵力常聚。而兵氣常克。一將之心。時通于偏裨。一將之令。時達于三軍。而各兵而裨將。亦未有不諳營伍習紀律者。但宜嚴責必死信地。自某處至某界屬某營防守。自某處至某界屬某將策應。凡有大警。合營齊赴。若只零賊。如前所議。月輪分駐者。禦之。庶合散有法。而防

守策應有機。非若往時之守者不固。而援者必敗焉。
三曰。體瞭哨。固邊牆。以休士力。臣等嘗聞瞭哨不精。
則賊至難。以卒應邊牆不固。則零騎亦能撓我。尤非
以逸待勞。以飽待饑之策也。遠哨之卒。百死一生。瞭
望之卒。賊去始報。蓋卒之貪生。甚于貪利。而畏賊甚
于畏刑。宜大墩臺動。皆賊去。舉火誠以我之應援無
及。而賊之攻殺墩軍可畏耳。今欲體之于瞭望者。遲
報卽刑。聞報卽赴于遠哨者。厚其勸賞。同于首功。一
一皆加豐廩糧。倍于軍衆。廼若邊牆者。薊鎮之險也。

徒恃牆而不知練。固爲失機。使廢牆而不以時修。亦爲棄險。今誠聚兵選練。除選其堪練屬戰兵營者。毫無工役外。其不堪練之兵。立爲守城一營。皆令修牆。又責令近邊州縣。各籍數百家。抽其丁壯以爲修牆人戶。免其一應差役。許其開墾邊地。所修之牆。各分定界。合此二者。則牆以時修。而險可不廢焉。體瞭哨必探報。以時修牆。險必防守。有據庶幾。牆可以阻。零騎報正欲實我兵力本一戰之用耳可以便策。應而我兵非大舉策。應之時咸得。藏蓄鋒銳。而習其教練之紀律矣。四曰厚優恤蘇積。

困以振士氣。訪得各邊軍士窮苦難言。而裨將小官。俸廩皆薄。爲兵者或力疲于工役。糧盡于扣畱。爲將者或俸竭于撫夷。廩輸于供上。是以官不免于剝軍。軍不足以存活。如是則將心解體。士氣久衰。所謂不戰自斃。而欲望其可裨于戰也。不亦難哉。今並宜責在巡撫。凡練戰千把。各官設法措處奏請。常俸之外。厚加廩糧。仍視勤惰以重勸懲。倘有費辦並行查革。至于練戰軍士。禁其科派月糧。以時救其疾苦。力役盡免。馬匹爲之選給。器甲爲之繕修。一一時加激勸。

務使士心常奮。士氣常充。庶可望練則必精而戰則必勝焉。五曰酌營制而尚火攻。訪得各邊禦虜。惟資馬鬪。各兵臨陣。惟尚弓矢。夫馬固夷虜之所習。而射尤胡騎之所長。是以虜來一矢不敢交。虜去一步不敢躡。咸職此之故耳。今誠酌定營制。凡一營之內。務有車兵以列營。有步兵以站伏。有馬兵以追突。馬兵之制舊矣。車之制則宜輕舉疾隨。一鼓列營。四面環衛。步之制則宜隨馬逐殺。急則站定。遠則設伏。相錯互倚。嚴勅舉行。而縱橫變化。在各將焉。所謂有制之

兵蓋如此。但車步馬鬪均宜熟練火器。蓋弓矢之利在胡虜。而戈戟之勢難遠攻。其爲我中國之長技。而胡虜之最畏者。僅火器也。一位炮與獨火飛炮。重而難舉。發而莫繼。惟夾把鎗與火器之便者。可以隨帶。急則充挺刃之擊。緩則足屢發之用。凡戰兵一營。若馬步車兵均宜。以此教之。每隊班伍層列。教以由一而五。迭發至五。而一者復得藥可發矣。臣昨巡視京營。見營軍稍稍習此。全未精熟。及備詢邊將。猶謂邊軍火器不如營軍。則邊軍之不習火器可知也。近過

遼東問以火器。皆云不知。及臣勸以火攻。故用車戰取捷。今各邊舍此長技不練。而惟他議之圖。非善算矣。營制定而火器練習。此臣之所惓惓也。六日備城堡以防深入。臣等近見北虜破城。旣得城中之利。則破城之慾。方未厭也。虜入西山七日。方捨汾州。則深入之志。方無已也。京城密邇。良可痛心。畿輔遠近。皆當深備。况薊鎮去京以北。鄉村率無墩堡。而各邊小州小縣。城郭多不堅完。伏乞嚴勅該部。行令撫按。于近邊十日之內。各城並加修緝。鄉村民居密處。嚴限

增築墩堡。若工難驟集，則要害先舉，歲修一歲，無不堅完之城。歲築一歲，無不築堡之鄉。並宜責限有法，務使官民皆勸焉。至于各州堡，應援責在各將信地之內。其守城守堡，務宜不分選練兵力，責在守令嚴詰奸細外，通將本城本堡，抽其丁壯者，教以人自爲守。家自爲備，共鑒石州之慘。悉諳保城之律，而火器矢石並熟，馬步並長。夫城堡能守，則賊之攻可計日以待援。此今之最急而不可視爲緩圖也。凡此六者，均所謂定必勝之算。要在任人以責成之耳。臣等又

曰、防虜之計、貴嚴責成、而嚴責成之議有七、一曰重
主將之權、臣聞主將不固守、律有常刑、夫將之能固
守者、要非主將一人力也、必其偏裨足用、士卒足用、
投之所向、如身之使臂、臂之使指、然由是以戰則勝、
而後以守則固、夫三軍之士、統于偏裨、而偏裨之生
殺予奪、聽于他人、則主將雖欲如身之使臂、臂之使
指、不可得、責主將以固守、而不重主將之事權、是將
惟束手待罪、國無一將可用、國與將俱受其弊矣、伏
乞勅下兵部、明定法令、以後務重將權、如一鎮失事、

該鎮總兵。罪在不赦。則平日必舉一鎮之副叅遊守提調等官。在總兵皆得以予奪之。而臨陣皆得以生殺之。如一營一方失事。該營副叅遊守提調凡統兵一枝者。罪在不赦。則平日必舉一營之中軍千把等官。在本將皆得以予奪之。而臨陣皆得以生殺之。其平日之予奪也。備開賢否。并應換應代者。送于總督。若總督訪得開送名內。或有不堪補換之員。仍發下責伊再舉。並爲奏請施行。其臨陣之生殺。除臨陣退縮軍士聽本將卽斬以殉外。若有退縮偏裨等官。亦

悉聽本將初番傳令。如李光弼欲取僕固懷恩之首。且令轉戰一番。若再退縮。卽取其首以殉。凡此皆勝。敗在于呼吸。而不待擬議。奏聞皆所謂重事權之要務也。其二曰慎主將之選。伏見總副叅遊獨領一營練戰者。皆稱主將。其于所轄。在平日皆得予奪。而臨陣皆得生殺。其權重矣。其選可不慎乎。伏乞勅下兵部。務以將才爲意。搜羅鑒別。盡乎天下。宜大宜小。悉在胸中。備查察閒緣事。在獄將官。凡有智勇。且年力尚強者。皆得題請召集。仍通行京邊省直撫按。限令

各舉將才更不限下位貧賤並許起送到部皆當試

兵凶人才之能否此子勝之論也

以治兵通發下京營補車戰等營管將看其教練能

否委有能者京營總協科道每季各行題奏或揭送

兵部漸發各邊管營而各邊大將叅遊以下該部備

訪委有不職者在大將則詢之總督裨將詢之各營

令每季揭開送部再加訪實奏請更調如是則主將

之選無不加慎苟得其人而奇正戰守皆其能事此

方今切務也其三曰明巡撫之責夫巡撫以撫爲名

雖各有地方之責但各邊巡撫稍與內地不同蓋內

地無大將擁兵。地方小警實皆巡撫之事。至于各邊則大將握符。兵馬森列。戰守防禦。宜其專任。而巡撫只靠標兵。其責任之不明亦甚矣。夫總督兼領數鎮。宜多責其調遣應援。多靠標兵。實有轄制犄角之意。總兵各將則專責以一鎮戰守。而巡撫標兵。只以倡勇爲事者也。伏乞勅下兵部申明巡撫之責。凡一鎮之內。軍餉馬匹器甲。與夫厚恤激勸練戰之兵。及分信地。體瞭哨。固邊牆。優將士。備城堡。皆其專責。俱如臣疏所言。一一開載。勅書責之無事。則在外料理。與

大將同心。有事則居中籌贊。與大將共力。凡大將各將之兵。卽巡撫之兵。而一鎮軍器糧餉城堡拊循等事。皆巡撫之事。苟有功罪。並與各將論量處分。庶巡撫之責任。不專于標下。而專于一鎮之拊循。各將之營伍。不患無拊循。而惟患出戰之不勝。是在今日必明法以責成之。而武事無不振矣。四曰。寬繩墨之誅。夫古者大將成功。許以便宜。務寬繩墨。今每事務從中制。而不獲便宜。臣所謂重其事權。責其選練。皆便宜中一二。苟繩墨不寬。雖有良將。畏罪搪塞。以其國

與敵耳。伏乞勅下兵部，務責各邊主將，共爲必勝久安之圖。不爲目前免罪之計。凡到任一年內者，縱有事體被劾，若非失事，不得革任。至于有能之將，果着實合兵選練，堪以取勝，尤不得以小廉曲謹責之。惟不幸地方失事，務審其失事大小，并查到任久近，遞減刑罪，不得槩施。其中情有可原而智勇且可用者，並許立功贖罪，不復監禁。一一題奉，欽依事體施行。此皆所謂寬繩墨之誅，而將必思奮，無乏才之歎矣。五曰：擇賢科老練之官，嘗聞太平之功，非一士之略。

而邊防之務尤非一將之所能成功也。以共守地方

則有州守縣令。以總司風紀。則有巡按。巡關廼今選

法重腹裏。輕邊方。沿邊州縣皆選舉監歲貢老朽之

輩。殊非良法。蓋邊邑封疆守土。最重萬一選司為人所擇官此弊今且益甚望風而靡。

卽宗社神京之慮也。重邊邑實重神京。最宜慎擇。而

都察院點差舊例。定以新任巡邊。亦似當酌議者。伏

乞勅下部院。備查沿邊州縣通選甲科於甲科中。且

慎擇廉明才幹者任之。凡有陞擢。並先儘沿邊守令。

而沿邊僻小。最下州縣與腹裏中等者。同擢若都察

院點差。在南北京畿提學等大差。俱在京畿腹內。倘念各邊關係實重。乞將見任者任滿序遷外。此後以提學等差例與各省同差而更定各邊巡按巡關爲大差。務選老練才望之臣。巡歷旣滿並以京堂遷序。或超擢該鎮巡撫。誠使守令得賢科之選。而風紀皆老練之才。邊防諸務。未有不振起而維新者矣。六曰久總督鎮巡之任。切惟鎮守係一鎮之安危。巡撫叅一鎮之機務。而總督又兼統各鎮之兵權。此三臣者衆之死生。國之存亡。咸係焉。誠不可不重者也。夫三

臣選得其人。若使席不暇煖，莫展其運布之才。選不得人，若使朝更夕改，實遂其藏拙之計。朝廷選用人才，邊防爲重，卽欲加恩資序，亦不必以改任別選爲勸也。伏乞勅下該部，凡各邊總督鎮巡定議。九年之內，不許陞轉。有陞轉者，該科叅奏，仍並許諸人直言。但主上恩待，務宜加優，而後憂苦邊臣，樂于久任。今後凡各邊總督鎮巡考滿視京腹大臣，加恩一等。總督漸由尚書，卽加官保，巡撫四品，例得廕子，而鎮守並加世功，朝廷更用不測之恩。凡有緩急，題請特

賜獎激有警得功。並照先年題准事例。世襲古今久
任成功。而邊防。訖宜專責。此最不可不俯從。末議者
也。七曰。設行邊重托之臣。夫各邊兵威不振。將才難
得。使虜得深入極慘。漸爲宗社憂者。臣嘗細思。拔本
塞源之故。由邊事每從中制。而邊情不得上通。此必
敗之道也。夫由中制而不得上通。其道固誠取敗。若
任其所爲。而無以制之。任其陳請。而槩曰通之。則情
僞微。曖益。又莫可窮詰。亦終歸于敗矣。天下之敗。大
不可救者。在無人以身任其責。如無機之弩。無柁之

舟。然君總萬機，相理百官。兵部兵務，盡轄天下而各
 邊重責。今在內更無與同患難者。如是則其情曷通。
 其敗安救。其事安得而不由中制也哉。總督鎮巡于
 無事則月有打探消息之人在京。以窺伺乎時好。于
 有事則日走塘塞遮飾之馬來京。以粉飾其功罪。無
 非因事由中制而情偽不得上通故耳。在往時震于
 其鄰，尚當計慮。而今已災在剝膚，可不痛思救藥矣。
 乎。今誠欲救而挽之，苟非以邊防大事，輪差重臣，使
 上得告君中得語六部，而人才餉甲聽其責成，遠得

○注○向○如○此○耳○
○錄○功○罪○輕○重○在○朝○廷○不○在○邊○
○錄○功○罪○輕○重○在○朝○廷○不○在○邊○

○其○後○倦○谷○款○頁○位○文○系○特○建

○議○每○京○以○大○臣○行○邊○核○八○事

歷九邊而兵將虛實。任其畢覽。則時事必不可爲矣。夫責在一身。其操心集議也必詳。外歷九邊。其情僞微。曖也必達。旣無中制。而無有不制。旣非求通。而無有不通。臣之所陳。一十八事。此最爲本源要論。顧議事者憚重任之難創。懼重責之難勝。惟務因循。不思國計。臣請有以折之。查得先朝以邊事大急。命重臣楊一清。晉大學士。職銜總理邊務。而嘉靖年間。亦以閣老重臣行邊。唐裴度以宰相成淮蔡之功。宋蘇軾亦請專置屬國。不擾中書。在中書職任惟清。在屬國

專任邊寄。于以撫遼夏之二虜焉。伏乞勅下定議。特舉才望最著。起用久孚者。或軍務素諳。戰陣久經者。大臣一員。晉以武英殿大學士職銜。或兵部尚書兼東閣學士。使之遍歷重鎮諸邊。遍見諸將。先備訪大小將才。備行合兵練戰諸務。與臣愚所疏及邊防一應事宜。一切提其大綱。分其要領節目。責各邊總督鎮巡。務懷永圖。無取速效。着實爲防虜保邦之計。仰荅聖心。此爲防虜長策。社稷至計。乞毋以浮議阻之。以少紓今日之急。 慰 九廟在天之靈。不然今日

之議亦托之空言已也。凡此七者皆所謂嚴責成以濟國事。然時事之壞極矣。京邊防虜甚有錮疾。計當蚤瘳。而瘳錮疾之議有五。一曰處願戰之士以作京營。伏見京營之制非虛設炫武爲也。京營素練則內可以鎮危邊外可以襄虜。患况邊事孔棘甚非昔日之邊。而弛弱不振之京營。又豈可復如昔日之不振也哉。今日營軍僅堪擺列。一驅之戰則必却走。一加之法則必鼓譟。其故何哉。強之而非其所欲則非制。令之而非其所畏則非威。恤之而非其所懷則非惠。

今欲振作京營。使必可用。非有制有威有惠。則不可。何以言制。夫京營雖車戰城備。不同除車兵城守。勿論。卽戰兵諸卒。皆非願戰士也。不過充隊伍。冒糧餉。爲糊口計耳。夫軍以虛應。官以虛糜。復設法以虛練之。誠非有制。乞勅兵部嚴行總協。將戰兵十營于明春開操之日。行各將官一一問其委果願戰立功者。各自報名。另爲數營。悉皆自心所欲。不許虛應。於是嚴明法令。嚴明分數。勤以戰將練之。有不如令者。割耳。又必厚其月糧。倍于各軍。時以不測之賞激之。有

善練戰者加給。如是則願戰之士懷惠畏威。一年之外。然後如臣亮昨歲所題練膽之議。將數營輪作數次。特選京營一將。領赴薊邊經戰。若騷擾連坐重究。若有功一體陞賞。俱限防秋畢日回營。夫願戰數營。既係自心所欲。則赴邊練膽。皆所樂從。加以統馭得宜。威惠服習。在當事者不必更以鼓譟怯懦爲慮。而不肯議行矣。倘慮月糧加倍多費米廩。務責京營科道官。將各營軍士。不時嚴汰老弱回衛。又時汰不堪練戰者。發入城守等營。減其外加口糧。夫減老弱不

堪練戰之糧。以優願戰數營之卒。國不加費而營卒日精。誠爲兩利。京管腹心之疾。庶可漸瘳。體國者要不可以虛文坐視之也。二曰採總督之議以易入衛。夫入衛之兵。士疲馬瘠。苦于遠路。異鄉困于疾苦。工役在各邊。旣日耗其強勇。而薊鎮實無賴于擇衛。况日費口糧。歲糜百萬。國家坐受其困。各邊坐待其斃。此莫大之錮疾也。恭逢 皇上新政。議入衛者甚多。顧思所以去之。必思所以處之。昨見總督劉燾揭帖。議稱求兵于兵。其處分頗諱。而議論似有可據。况

劉燾素心不念全邊其竹惟護薊鎮謀者機今其揭開措處必愈見可採也。伏乞勅下兵部行令新任總督務採劉燾之見議酌去入衛之兵此關係國家甚大關係各邊甚重入衛去而薊兵益思所以精練以戒不虞則關係重薊鎮尤匪細也。三曰勵邊威以杜要撫臣等切惟屬重夷之爲邊患久矣而邊鎮坐受撫夷之害亦已極矣重撫夷之費將官每令屬夷引我軍士出邊砍取邊外重大木以入然後將賣木之價湊足撫夷之用臣切慮重不但邊木日盡邊騎直衝堂堂中國資木價以撫夷

其體亦甚褻矣。今誠驟不能已，獨念討賞之夷羣聚入邊，邊將費酒食廩肉以供之，數千之夷一日無賞，則日費數千之供給，而邊將但畏激變，以開邊釁。於是重剝軍士，供其酒廩，真所謂削子女之肉以充狼虎之枵腹也。况胡虜嚮導皆係屬夷，入則共搶，出則分利，雖割肉以飼之，何益乎？伏乞勅下兵部行令各邊務以練兵蓄威爲急務，而以撫賞爲權宜。縱今兵威未振，威不可褻，除效順屬夷照例撫賞，一遇叩關當卽措處，可省供應煩費外，其素稱驚侮屬夷務宜

閉關拒絕甚則淬兵勒馬以嚮之。務在乘機搗巢。奮揚武氣。然後示以恩信。如近日撲殺叅將之屬夷。定宜蓄威以待。無事姑息。仰辱聖朝焉。待向後邊兵精練。武備日充。然後可殲則殲。可絕則絕。悉聽邊臣詳酌奏聞。蓋屬夷絕之。尤足以存威省費。而撫之不免于褒惠。剝軍。所謂勵邊威以杜要撫。此瘳錮疾之三議也。四曰密誘賞以歸逃叛。臣聞大同邊外。無時無虜。而大同各堡納虜月錢。凡有月錢違限者。虜卽行票催取。未委虛的。果爾則大同土地人民半爲胡虜。

囊中物矣。此豈虜之所爲哉。蓋邊境人民擄掠逃入

虜境者不可數計。沿邊皆然。大同尤甚。側聞大小板

鑑川之功。誠不可及。

升地方皆爲中國人民。比屋而居。耕田而食。其雄桀

者卽爲頭領以統之。而總隸于虜。故月錢行票。悉其

所爲。此皆中外諱言。邊臣所不敢言者。言及至此。大

可痛心深慮也。伏乞勅下兵部。密行各邊。各細心設

法措處。百爲哨探。或遣善事者。並皆詐逃其地。俾與

逃叛人民雜處。務誘結叛民魁桀者。伺虜可乘。則礮

取以獻功。虜不可乘。則盡約叛民願歸之衆。以受賞。

或叛民地方并胡虜巢穴有可陰擊則設伏掩殺以振威武使叛衆畏威來歸。或虜與叛民交結已固尤宜遣最熟間諜乘隙密間虜心使之多殺逃叛激其歸志蓋虜地既多中國之民則胡虜漸貪中國之娛而中國靡有息肩之望此錮疾之大可深慮所當亟瘳者也。五曰集親兵以鎮驕肆伏見京邊省直各兵雖疲弱不堪用戰然皆聽調遣聽操練惟將所命未有驕蹇桀肆甚難制馭如大同之兵者也。告增月糧折色則任其所求官司下營操演則炮響不至小不

如意鼓譟嗥然夫大同密邇叵測之虜而其兵復有尾大不掉之憂是近之患在大同遠之患在京國似此錮疾急當療治臣嘗深思其計非得善將者握親兵以彈壓之必不能制伏乞勅下兵部凡推用調補大同一鎮總副叅遊將官務遴選善馭之才必責其身帶素練家丁百十以爲親兵並厚養鋒銳之氣以彈壓各兵驍桀之心既資彈壓威在不言然後將本鎮各兵一一明其分數離其隊伍伍有伍長隊有隊長哨有哨長務善馭其長以消其漫又更申明號令

申明賞罰。申明威信。善處而默化之。夫心旣彈壓。令復嚴明。積久之疾。自將漸愈。苟復以委靡之惠乘之。則惠褻而威益不振。將無有痊復之期矣。凡此五者。皆所謂瘳錮疾以除積弱。幸當事者一加之意焉。勝算得則後日之伏禍可消。錮疾瘳則國家之神氣可振。總惟在得人任使。嚴切責成。而行邊重臣之選。尤爲任人首務。不然。則責成雖切。而受任者竟踵舊風。議處雖諄。而奉行。者必仍虛套。事由中制。而情匪上通。錮疾終不可瘳。勝算終不可獲。虜防終不可固。

宗社終不可安我 皇上之聖心聖諭亦終不能仰
 荅于萬一矣詩曰多將熇熇不可救藥今者目前之
 患已多累卵之危具見惟在聖明勵精定志為本而
 責成臣下為要一一從實舉行邊防幸甚

題為懇定保民裕國之謨加意運治養德之要

疏

保民裕國

以下請疏公 卷內 臺時所上 起自 神廟十四年

臣伏讀書曰予弗克俾厥后為堯舜其心愧恥若撻
 于市一夫不獲時予之辜今 皇上天篤堯舜之資
 凡大小臣工共有堯舜君民之責者而可不思一竭

其芹曝也哉。伏考堯舜之治，惟存心于天下，加意于窮民，一民饑曰我饑之也，一民之不得其所曰我陷之也。當此民窮國匱之時，是以臣不揣迂陋，敬陳勅定保民裕國之謨者有五。載稽堯舜之君臣，都俞吁咈，常聚一堂，堯舜之聖德，欽明濬哲，光被四表，是以臣不揆愚昧，復陳加意運治養德之要者有二。伏乞皇上留神省覽，一賜施行，四海有得所之安，國計有豐亨之漸，宗社隆泰治之機，聖德裕培養之助矣。臣愚未敢擅便，開坐謹題請旨。

計開

一曰嚴積儲以固邦本臣聞民爲邦本語曰王者以民爲天民以食爲天又曰積儲者天下之大命國無三年之積國非其國饑寒切身雖慈母不能保其子而君安能有其民乎迺今爲民積儲最要于積穀之法何各府州縣之積率多文具在籍者僅屬空名在倉者徒號虛數上官縱有查盤有司臨期搪塞一遇凶荒賑給無措始或議借議糴萬口嗷嗷勺合無濟惟饑瘠流散以死而已伏乞嚴勅各該撫按凡所屬

一應紙罰除照例八分收銀以備解額公用外其二
分務令收穀入預備倉凡各府州縣原定有積穀分
數者俱限措處足數未有定數及原數太少者酌定
量加原無屯積倉廩許令創建原係窮僻難處縣分
該道府多方措置呈請撫按加添仍依道里遠近聽
各撫按先報依准通行限三年內將所屬積穀事宜
完銷勘合有不完銷者該科定行查叅其守令有仍
前文具者撫按定宜論斥卽分數不足亦宜降責無
貸務令有司處處留意貯積而民命可恃以無恐矣

伏乞聖裁

二日廣倉蓄以便活濟昔宋賢臣朱熹因本鄉五夫里歲饑特借官穀賑貸後卽所收穀本立為社倉設法歛散一鄉有賴遇災歉民不逃亡遇流賊且資保聚復建議於朝通行各路凡各賢守令率依法建置以活小民各賢士友並望風創樹以濟鄉社近日山東費縣最稱窮疲知縣楊杲一吏員出身耳作縣數年計令蓄積遍野小民自收自散臣本省新城縣原無社倉賢儒鄧元錫未中式時僅一秀才耳捐穀設

立社倉法以官民不擾為便

法遍分各鄉爲義倉法，俾各鄉父老豪傑歛散自如。
蓋鄉有倉蓄，飢歉賑給，旣無背負之勞，老弱就食可
濟旦夕之急。迺今飢民待賑于城郭，匍匐而往，率餓
死于中途，背負而歸，輒使費其多半，或抑退于里胥，
或阻斥于隸卒，飢者未必賑，賑者未必遍。徒厯聖明
浩蕩之恩，而莫濟溝壑展轉之速也。臣細思欲便于
活濟小民，只有廣立社倉一法。伏乞勅下戶部議允，
省直撫按嚴行州縣，許立社倉。凡州縣各鄉社有倡
義士夫豪傑，並許于本鄉捐歛穀本立倉蓄散。諸凡

歛散取息歲歛減收之法。一一查朱熹已試之規。倘該處無倡義者。卽限該里社條議呈請于上。無議請者。正官自爲踏看措處。不能多處。少捐本穀。先立倉基。設法收放。漸次充積。爲民父母。一一細心遍歷經畫。察地之便。審民之宜。幾社幾鄉。或分或合。歛散議民自便。務諭主管得人。庶俾通縣合州。在在倉蓄。春荒可濟。畢在目前。飢困可活。無勞匍匐。若慮各鄉非倉蓄之地。鄉民非主守之人。臣備查朱熹一時行之各鄉。卽主以鄉社之最賢者。未聞有他虞也。楊杲治

費。困廩野積。未聞有他虞也。元錫以秀才行之通縣。未聞有他虞也。臣又詢之各省地方。今儘有行之稱善者。但未奉明旨一通行耳。天下之事。非一人一家之私。苟可利國利民。懇異議。覆請旨。仍聽撫按作爲地方便宜。許令倡義。無令絕望。蓋倉蓄大爲國計。民命之最。有賴者。伏乞聖裁。

三曰明專責。以重勸懲。臣伏思生養小民。旣守令專責。顧今撫按之舉劾者。不明此重責焉。是以守令忽民。癩者不知懲。恤民困者不知勸。而小民無生養之

期天下無太平之望矣。書曰：在知人在安民。語曰：有治人無治法。試舉今日之一事證之。祖宗種馬良

法，近年切謂病民，豈知得人行之，何病之有。邇陞尚

寶司司丞臣孟秋，昔治昌黎，該縣種馬額三百匹，向

種馬煩費亦以官吏兼漁者多。

以佐貳領管，秋獨謂：祖宗馬政須當親理，廼示民

一年只用親點二次，每點務責馬頭正身到官，有代

替者重懲，仍拏正身加責。凡臃壯者恕之，羸瘠者治

之，纔不踰年，馬大蕃息，未及五載，產駒四百五十有

餘，因請之上司，以三百例充解額，以一百五十餘者。

風○勸○小○民○不○惟○民○不○告○病○且○得○子○駒○利○焉○其○草○料○等
利○民○無○論○也○此○人○存○法○舉○民○安○之○一○驗○也○迺○今○專○責
守○令○安○民○凡○撫○按○舉○劾○守○令○不○惟○不○得○以○逢○迎○悅○之
簿○書○期○會○獎○之○卽○聽○訟○催○科○諸○多○才○力○優○者○務○先○核
其○一○切○政○理○若○何○爲○生○養○民○命○之○計○蓋○旣○明○安○民○爲
守○令○專○責○凡○有○舉○劾○宜○畢○以○安○民○勸○懲○乞○我 皇○上
嚴○勅○行○之○此○誠○今○日○察○吏○救○民○之○最○要○者○伏○乞○聖○裁
四○曰○採○忠○慮○以○救○國○匱○易○曰○何○以○守○位○曰○人○何○以○聚
人○曰○財○今○天○下○府○庫○之○積○摻○括○無○遺○各○邊○軍○餉○之○需

歲祭日繼致外省每遇飢饉亟待哺乞賑于太倉邊關一有征調復告急乞增于內帑顧內帑積儲甚覺有限太倉歲計每苦不支當此匱乏已極之秋聖明切宜軫念而臣子亟當計慮者苟不博採忠慮痛加節省何以少救匱乏以裨聚人守位之訏謨也伏乞勅下該部行令各衙門該管錢糧監守巡視等官各懷忠藎計思一應錢糧某項如何耗蠹某項如何可節務各舉其所已知并悉其所職掌者一一以節省之法條議以聞仍勅行在內各監局老成管事之臣

今內官自定符指事。

共圖爲國節財以忠報主。並思本監局某項人役可
目亦得減。如前惜薪司之汰去人數是也。某項錢糧可節。如
近御馬倉之減派草料是也。諸凡忠慮。一一具陳。統
惟 皇上嚴勅行之。 國家匱乏。所補匪細。至若言
官大臣以節儉光聖德。上請以內庫減錢糧。執奏者
均乞聖主垂聽。施行。尤挽回匱乏之本。 國家無疆
之福。海宇生靈之福也。伏乞聖裁。

五曰勤召對以運泰機。夫保民裕國之謨。臣已爲
皇上陳之矣。然 國家之事。小民之務。不可以一二

數也、隱于難知者最多、得于面對者漸悉、是以高
皇帝軍國之務、開基保世之謨、朝夕與大臣面議、
文皇帝定鼎之猷、運治致理之要、早夜與大臣商決、
列聖所以致盛治、敬皇帝所以光祖烈、肅皇
帝初年所以大中興者、凡便殿平臺召對大臣、咸不
一而足焉、我皇上御極以來、屢召面對、去年五月
十九等日、連召大臣、問以巡撫不宜數易等事、百官
四海至今頌聖上之紹祖德、而留意於化機治
理也、但自是以後、召對缺然、臣民想望太平、萬萬不

勝延頸緣御門起數只循格套。所賴以察百官。親庶政。詢民隱者。惟祖宗召對之典。最可行耳。有大事應面決者。皇上惟發一天語。下問。或給大臣紙劄。俾得條寫上聞。倘無大事裁決。皇上只聖問近日外間百官萬民更有何事。悉聽大臣一一舉所知者。面對。或退卽條列奏之。如是大臣之忠。盡可吐。四海之幽隱。漸達。一時之幾務。畢陳。天語原不必煩。聖慮原不必勞。而泰機可運矣。三六九日御門之後。或難再勞。聖體召對。茲專乞勅下禮部覆議。上請每月欽

定二三日。特賜召對大臣。至日。輔臣部院掌印諸臣
恭候召命。惟 皇上臨期。忻賜允行。萬機幸甚。宗社
幸甚。迺若君臣交泰之極。在堯舜時。則賡歌喜起。在
成康周召時。則遊歌矢音。以宋主之興。且能召大臣
有賞花釣魚賦詩之事。至 祖宗朝。聖恩下逮。遠紹
二周。此乞聖主或間一行之。爲四海傳誦。爲上下泰
交。臣民曷勝屬望。伏乞聖裁。

六日。資誦覽。以培聖德。臣伏聞萬化在心。聖主心得
所養。則精神強固。聖體常安。君德清明。聖治常洽。以

保民則仁，以裕國則義。以勤召對則明，堯稱欽明，舜稱濬哲，要皆語堯舜之心也。聖祖高皇帝觀心有銘，且曰：人心乘氣機以出入，而操之爲甚難，蓋爲萬世聖子神孫德壽治平基本于此，故惓惓焉遺聖子神孫訓耳。心最難養，外好易移，靜存動察，大資良助。是以高皇帝時覽堯舜尚書，又命寫大學衍義揭於兩廡壁間，以代圖畫。列聖相承，樂觀書史。肅皇帝讀大學衍義，賜輔臣御製一詩。因命賡和有曰：帝王所圖治，務學乃其先。下作民之主，上乃承乎天。

致治貴有本，本端化自平，人君所學者，其序有後先，聖謨洋洋，不一而足，無非惓惓念觀書務學爲養心培德之資也。茲我皇上法宮無事，伏乞時取尚書暨大學衍義一誦覽之，可以澄聖心，可以却外好，仍乞皇上勅下禮部翰林院儒臣，將祖宗朝敬天勤民親賢納諫，嚴宮闈肅左右，定內治，振邊防，節財用，訪遺逸等事，一一嘉言善政，分門彙編，仰呈聖覽，大爲法祖，養心之助。至于經筵日講，天氣稍和，尚祈聖明時御，此聖德聖心，尤資培益，關係匪眇小者。

伏乞聖裁。

題爲摘陳安攘要議以裨睿採疏

安攘要議

臣書生也。昔以省掖巡視京營。今以佐憲暫管協理。

副憲協理或政不用樞部銜亦一故事

目擊足履。心思圖報。何敢以白面辭。蓋臣夙念祖

宗洪業。定鼎幽燕。距虜咫尺。前代京畿之兵。專以重

內。今則兼攘外之慮也。前代備邊之兵。專以攘外。今

則繫安內之謀也。京邊體勢相關。安攘大計最重。必

京軍常練。則九邊望之。有虎豹在山之勢。必邊威常

肅。則九鼎繫之。鞏泰山磐石之安。聖明在上。加意兵

防。臣不揆迂瞽，摘陳安攘要務一十四議，仰裨睿採。其京邊摘議有二，京營摘議有一，各邊摘議有六，貢市摘議有一，甘肅摘議有一，昌鎮摘議有一，臣又伏讀宋儒朱熹有言，其本不在邊境，而在朝廷，不在兵力，而在德政。感時陳愚，并摘陳根本要議有二。通一十四條，均出一時芻見，仰懇皇上聖鑒，加意本根。其各條并勅該部覆議施行，則安攘之廟謨有賴，太平之洪業永綏矣。臣愚未敢擅便，謹題請旨。

計開

京邊摘議有二

一。遍置火器。務教戰守。臣聞中國禦夷。火器爲最。顧

火器之製非一。其擊之最遠者可以守也。其發之最

便者可以戰也。近該守備黃道。開建造大將軍神

銃。送營看驗。該營驗放得神銃一發。五里當者一齊

碎裂。此最可以守者。凡守營守城。大舉衝擊。似不可

缺。又臣同督臣李言恭看議得佛郎機一具。內有子

銃。屢發不熱。亦非他銃可比。又諸將議得如邊軍之

三眼鎗。次如京營之夾把鎗。最可利于戰者。他如獨

虎飛炮滅虜炮永珠炮連珠炮之類。須擇的可用者。方可隨宜教習。乞勅部議行令京營各邊各該建造大將軍神銳務覓原匠造令工緻。其三眼鎗佛郎機次及夾把鎗各利戰利守火器。尤乞嚴行京邊重加教習。俾人人熟慣。處處得力。如一營三千。除一千音兵精習騎射。可堵可伏外。其二千火器悉練。並可對敵。庶神武克振。而兵威足揚矣。伏乞聖裁。

二被除積習。務重選練。近來京營選練。視昔稍異。但京營之兵不能精練正以備而不不用故耳議者謂京營多不調發。不臨敵。畢竟選者以套選而

練者以套。練書生杞憂萬一有如庚戌虜薄城下尚
可以虛套誤國事也。林林總總食當思報何忍以套
馭之。至各邊無警者。或占役。或買閑。或困于科索。或
疲于迎送。其有警者。尚以邊釁爲嫌。不以敵愾爲念。
惟患兵少。何計兵精。聚者未必選。而選者未必練矣。
乞勅行令京邊除家丁選鋒精揀外。凡係戰兵皆宜
選練。倘不足數。再募土兵充伍。凡選士驍銳爲上。精
技爲良。有年力強而技藝未精者。並精擇教師。分隊
教訓。不時稽閱。又選過管隊良千把總統之。有曾經

戰軍士年雖五十以上亦宜收入選中。至于糧賞家
丁選鋒雙糧戰兵給正糧外仍加半糧。甘肅遼東用
戰尤宜不時犒激。但戰士向敵馬力爲先。勇怯存亡
尤此焉繫。甘遼等邊選練戰士尤宜選給良馬。并宜
練以戰法。嘗聞遼之戰其馬多市于胡。不惜重價。密
與貿易。今西馬亦有良者。惟當加之意耳。伏乞聖裁。

京營摘議有一

一京邊互練務期實用。夫管以戰兵名。謂其兵必可
戰。而帥是兵者亦當以戰效之。苟不得經戰之將。爲

之司命。所教皆虛文。而練戰皆亡命。此套習之尤也。

經戰之將。各邊有之。當事者有見于此。每欲京邊互

以邊將練營兵此論的然可行

用。近查京營邊將。全然不多。竊意和貢之後。戰將雖少。畢竟出于邊。而隣于虜者。其見與膽自不同也。伏

冀勅部。申嚴京邊互用之例。多得邊將坐營。教以邊

方戰法。卽京軍不樂練習。責在該將。隨宜訓練。誘以

賞。飭以罰。嚴諭以義。開導樂從。凡邊上列營馳伏諸

制。及對虜堵擊諸法。弓矢合用諸器。均不可不諳者。

依法爲訓。勿責旦夕。惟及大勢。散營之期。不羈困以

携衆心焉足矣。家丁選鋒。其糧賞既一。其久練宜安。

邊○將○內○調○便○同○選○關○故○

務令以一倡百。人皆相習。但邊將內調心多厭苦。應

○多○不○樂○也

恤其私。凡所帶練戰家丁。均宜例給雙糧。卽欲稍加

限數。務准三十名糧。非練戰者不在此例。在戰將尤

宜優錄。仍陞邊任。勿令淹久。令有解肉復生之悲。如

是則將可安心。士可練戰。而戰管解疲弱之卒矣。他

日萬有虜警。尤乞查臣亮巡視時練膽之議。先期選

調出邊經戰。令膽皆練慣。見敵不懾。庶戰管各兵舉

無不可用者。伏乞聖裁。

各邊摘議有六

一博訪精鑒務羅將才語云百戰而良將出貢市以
來將不惟戰是習上不惟將是求軍伍暗被剝膚良
將暗爲解體是邊事以貢市而懈弛者多矣非敢懈
也勢使然耳殊不知貢市非長策也大牟叵測類且
不齊或挾賞而變面卽當振之以威或臨市而忿爭
卽當創之以法部落群小未忘故意且雖乞憐暮或
反噬矧和市于西或合勢于東款易于宣大或借槍
于甘肅防乎其防安可忘戰則在我安可一日而不

求將才也哉。無論古來奮于奴隸降虜。及椎埋屠狗之英。卽今遼左出塞如李興。李平。胡輩之出自虜中。蟒囚奏凱。如劉綏之出自任子。史臣廉將也。何能以閱視一論而掩其節。李大初驍將也。何可以他鎮旁及而棄其才。將才之伏也。非一類其求之也。又何可以一端限乎。伏乞勅部嚴行邊腹督撫按臣。限一年內外。各特舉戰將真才一疏。督撫按臣先行令所屬司道等官。各各畱心搜拔。不問見任下位廢閑。編民微賤。軍伍歸降等類。審果可爲戰將。每司道限期。各

舉數名呈之撫按得人厚賞濫舉仍罰撫按總督將
所舉者。再加訪鑒。一一備開于朝。卽于練戰邊方授
任試之。能否立見。在各邊文武臣工尤宜卽本邊加
意搜羅。當必有應其求者。務使甘肅得一戰將。必提
兵橫行。而內地之佳牧可驅。宣大延固得一戰將。必
耀武蓄威。而款市之夙盟可固。遼東一區戰將常繼。
必忠勇不懈。而全遼之命脉可安。是搜求將才。爲安
攘大計中之最要者。伏乞聖裁。

二實伍優邊務蓄勇銳。夫軍伍不實。尺籍徒存。無與

為選，又孰與為練哉？議者有謂實軍伍以召募者，切謂應募遊食之徒，多別營亡命之卒，易名冒餉，旋補旋逃，散則作奸，聚則肆毒，此必不可用者。有謂實營伍以土著者，臣又訪得名為土著實係亡命，即今漢莊灤陽之遺害可鑒也。此等有缺，痛禁私補，嚴責各官州縣精察民壯之鄉夫，市里之任俠，補之顧鄉夫。以○庶○募○之○兵○無○賴○亡○命○者○多任俠多不願募，要須歛以糧賞，約以歸農，給以不役，占不勾補之執照，將必有樂應者。有謂實營伍以新軍者，夫勾補解發二軍，初到最宜安插，先須痛懲該

管之見面書識之常例同伍之入幫優以月半以分營樂土也

給以月糧妻糧授以閑田世業一年之後方可選其

壯者編操次者工作弱者就近擺堡處之得所方可

免逃亡之患耳迺若武官以軍逃爲市最宜重逃軍

之罰重冒糧隱糧之禁重科索役占之罪總惟督倡

者重加之意而虎伍之錮疾其有瘳乎若夫南兵須

馭以善將勿重之以疑釁無事時與北軍一體更練

有警處與北軍分搭調發暗結曉智者以安其心密

除最肆者以携其黨有缺必重禁隱慝不報重禁通



同再補。此處南兵以安營伍之大槩也。至所謂優邊者。夫邊卒之苦極矣。苛索等弊。已略言之。工役諸困。尤難枚悉。他如定屯額。則扣月糧。備買馬。則追朋合。撫窮夷。則減哨糧。果難全免。並宜量優。迺若宣府極苦于領買夷馬。大同極苦于補買營馬。無非爲市木計。臣謂市本湊足。別須計處。計倘無措。懇請增給。勿以累軍。凡變賣夷馬。只照時估。一有倒死。只追肉贖。此積苦之最宜優恤者也。迺若修工務。修其應守者。痛省其可緩者。糧料務以時給散。遇貴卽稍增折色。

無非痛念窮邊。計加優恤之意。夫軍伍實。則士衆如
林。而選練可足。邊卒優。則士有生氣。而選練可精。勇
銳之勢漸張。敵愾之威自奮。伏乞聖裁。

三察險控要。務圖永安。說者謂紫荆最險。臣備查今
昔虜寇率由此入。豈紫荆不足稱險哉。細按邊圖。及
屢訪先今親歷者。並詳紫荆全恃三隘口爲外戶。曰
烏龍。曰寧靜。曰浮圖。今者木炭加增。林木砍盡。隘口
之險難據。而神京邊關之憂最大。倘得聖明少念邊
防。大減木炭。不至砍盡林木。以充燒解。豈非守邊關

奠宗社之大慶也哉。不則憂國者亟思別計。痛禁砍

如此禁斧不

盡。仍多方責成。裁補題奉。欽依賞罰。迺若運載多。則

宜開道自失險勢

仄路日夷。礦徒聚。則間道日闢。亟宜盡塞間道。加掘

濠塹深險。惟專留一路可焉。以至西水溝拒馬河帽

兒山夾河口沿河上流。及插箭嶺馬水口昌之橫嶺

並宜選委一二識形險善計畫官員。備加查踏。最要

緊處。隨地勢以築臺墩。以加橋牆。通題入三年欽限

工內。查東關事例。叙賞責完。而國險可固。誠切議矣

又臣所謂控要者。查御史蘇郁題。乞移三屯協守于

漢莊營以節制太平諸路移燕河叅將于劉家營以
接應桃林諸口又查元年題准倣真定防秋事例每
歲秋順天巡撫移駐于建昌原營計地度形似爲籌
邊良畫臣又訪得宣府西北一路邊長八百餘里僅
一叅將一守備有警必難支矣慎無日貢市可長恃
也說者謂今于龍門所宜添設遊擊營又查得甘州
總副遊擊坐食一城甚非棋布聲援之長策說者謂
移甘州遊擊于鎮夷移鎮夷守備于清水堡曾訪邊
臣畢善此議臣聞設險守國聖有訓謨駐劄控要邊

防至計。憂國者每每言之。惟謀國者一方行之而已。
伏乞聖裁。

四廣屯召粟務實邊儲我國家邊儲重屯糧重飛
輓往歲虜警不時屯田者妨于耕作飛輓者怯于輸
運款貢以來烽火不警耕者可安業而運者無路警
矣。伏乞勅督撫諸臣。趁此無事之時。諭令沿邊軍民。
務廣開種。善處零夷。悅之以和婉。啖之以微食。俾我
之屯種愈廣。耕作愈安。至鹽糧飛輓亦責令各商屯
糧于邊。令各以子粒上納。不許以糴買充數。如是則

邊地之收入愈多。邊糧之積儲日賤。無米珠薪桂之憂。有士飽馬騰之慶矣。獨甘肅孤懸。無飛輓之利。無市糴之便。屯田爲急。如莊浪之屬。郎堡通遠。驛永昌水磨川。甘州之左。衛迤西。鎮東之東南。諸湖。肅州之臨水等堡。蘭州之東西二川。沃壤丘隴。現存河渠。故道猶在。申飭鎮巡。責成屬官。務興屯利。葺墩塞以居。通渠壩以灌。召富家商賈。以墾爲己業。並不許軍屯。攀扯官府搜求。庶甘肅之屯利大興。甘肅之兵食大裕耳。至在邊武臣。沿邊土地。任開種矣。獨租賦矣。迺

佃與軍民輒私令書識。一項派作二項收租。應重察治。以蘇軍民之困。飛輓分派厥口。原有通判專管。迺極邊多委守操。通同奸商。插和糠沙。及至給散本堡。本堡受制本管。莫敢誰何。切為軍病。應嚴責通判。親自監收。以洗商攢之弊。凡此集議。大于邊儲有益。伏乞聖裁。

和帝 幾二·十年 亥 板升 之

宋猶存

五招撫歸降善馭。收用近來虜中部落。不恤板升。故板升亡命。率多來歸。其部落小虜。有失所者。輒亦每每降附。督臣懼失盟約。極意設法處之。切謂亡命雖

可罷而來歸似可赦也降虜不足收而效忠反可用也解生之爲將李興李寧之出塞聞皆虜產推心以結之察才以畀之豈不收以夷攻夷之偉績哉至于各邊虜患未寧之處尤宜招歸民以爲之鄉導撫降虜以爲之用間淵畫妙算只在收之馭之得策與不得策之間此督撫之匙宜深密者伏乞聖裁

六及時修守防虜遠謀臣曾使朝鮮道經遼左見遼之寧前人煙稀寡一望寒心近復數被虜患殘戮愈空寧前盡而虜患逼瀛東矣議者謂薊之事勢須假

全鎮之力。以修守灤東。須自黃土嶺至板蕩谷。及西磨合燕子窠等處。補墩築空。砌臺斬梁。剷坡掘塹。以固外險。拓城修堡。移營列屯。以壯內勢。總在督撫大臣歲計入衛班軍。無令三協均分。獨此薊東。專派十分之四。儘在三年欽依工內。責限相次報完。議者又謂潘家口龍井岡桃林口羅文谷水道。大可通虜。宜控制要害。創建四橋。最有見者。亦宜派人欽限數內。比潮河川事例。縣賞加叙。責成天塹。均爲牖戶綢繆。至計又邊鎮寨堡聯絡。虜來最便收斂。邊將懼蹈陷

堡之罪。密道歸併四十有六。薊道歸併二十有八。永道歸併二十有七。應量修復。迺若宜府應修民堡八

十九座。大同應修民堡二百六座。並須酌修以防叵

測。凡此各堡總翼鎮巡加意無得專責居民民戶般

衆之處。或民修者三。而官助其七。或民居太少。通令

官修。臣每思念。國家軍機重務。恐只空言未行。是

以不辭勞費。細訪詳議。如所議各邊修守。若曾議已

行者。乞命申飭限完。若前議未行者。乞再咨議請旨。

務令險阨四塞。則四野堅壁可清。墩堡四望。則四民

○專○責○民○力○既○不○應○工○役○亦○不○能○精○

聖

居守足賴禦虜安民此誠要務伏乞聖裁

貢市摘議有一

一嚴覈通官無誤邊計夫和市雖以羈虜切防召侮

于虜近該宣大院臣題乞限馬數定賞額亦潛消侮

釁之微意但虜之來市或尚有肆侮之端者在疲馬

強市也索貨減價也踰期始集也員役之應市或亦

有召侮之端者在貨物粗惡也聽彼增添也低假插

換也夫來市之肆侮須振威明信以飭之應市之召

侮須嚴法重禁以弭之顧所以絕侮慢之原者實專

○實○物○不○獲○則○是○以○召○侮○

在通官之覈與不覈。蓋導虜人之貪慾。以肆其狡洩。中國之情實。以啓其爭者。皆通事諸人爲之也。始以要挾唆。旣以酬謝索。巧幻萬狀。靡所不至。合無勅行。替撫于通事諸役。務精選各員。中忠信。膽略。機智。善言者。充補。盡革去平日之巧幻壞事。客遊鑽用者。每遇使虜及通市時。務先期教習。授以方略。指以成算。仍切切訓以隨機應變。不負任使。或和貢旣畢。或一歲將終。將通官各役。嚴加考覈。如前所謂忠信可托者。上也。而欺隱爲下。膽氣足任者。上也。而退縮爲下。

此亦制戎之要



智能察虜情形者上也。暗昧未得肯綮者爲下。言能折服犬羊者上也。支吾啓虜玩視者爲下。上等者重則增銜。輕則給賞。下等者重則刑責。輕則革退。屢次勞績可紀。三年督撫題薦。重加錄用。庶令員役不誤邊計。而貢市可永矣。伏乞聖裁。

甘肅摘議有一

一攘虜綏番務念 祖制夫甘肅之虜。昔在松山有賓兔在海西有丙兔。而今則有二十四枝矣。其抄胡兒火落赤威正三枝。又東虜西來以迎佛爲號。以仇

此卽 肅 義 部 落 也

瓦刺爲名。以搶番爲慾而侵牧我內地。切擾我兵民者也。向吾民之受其毒。路將之隱其情已具見於題

擄力克者俺答之。

疏中矣。迺今甘肅督撫題稱近日擄力克召回一枝

孫葉封 虜王也

尚有一枝。與其再召。不則意在瓦刺。趨住水草。照今

安靜爲策之次。臣愚伏慮其非得策也。該鎮忠慮不

欲起釁。惟欲相機。臣伏謂機已萌矣。以貪慾則借番
掠民禍不可長也。以牧地則自外逼內防不可潰也。

雖勿露啓釁渝盟之跡。亟宜爲練戰慮遠之圖。如臣

前所陳搜才選將實伍練兵屯糧火器等事。並宜作



速經理。悉心責成。必練熟戰兵。竒正二枝。務期兵必
可用。而虜之內牧。必可攘逐。初以信示之。勿疑。繼以
義諭之。使遠。既以威振之。使東。蓋虜戀牧地。卽雖召
回行。且再至。惟兵威可用。而虜巢可搗。不復西矣。况
餌以搶番。尤爲不可。蓋

虜之搶番。飲鹽茶馬之利。舊。

茶不可以不市。而番不可以不恤。番民卽吾民也。矧

番卽以防虜。

祖宗之制。馬不可以不易。

地切唇齒。番之禍福。與我同之。其隴龍溝口。係醜虜
入番進內地之總路。其要害與我共之。今宜控此總
路。嚴行該道。務選集有馬人戶。或千名。或數百。擇一

裨將悉心練訓。以爲之內備。又招集就近番兵二千幾百。卽選伊族頭數名。立以爲長。給糧給馬。給付執照。嚴禁武職私役。務得其懽心。得其死力。以爲之外衛。合二兵湊成三千。總以戰將統之。設法練之。命曰番漢精兵。夫竒正二兵以爲之主。番漢精兵以爲之應。庶虜可攘。番可綏。皇上之邊威可肅。而祖宗茶馬之法。必可以無壞矣。伏乞聖裁。

昌鎮摘議有一

一禁擾貽安。務護京陵。夫昌平一鎮。南護京城。北

護陵寢地勢最近。關係最重。零丁疲弱之卒。荒涼瘡痍之民。雖百計以綏之。尚恐一旦有變。民不可以守。兵不可與戰。廼以最可節省之往來。迎送重困疲之。大可痛也。夫京師德勝門外詣陵紅門路。號九十。日可往回。官府從容。輿馬晨發。而午且至。况各衙門官員往者。各可自備輿夫。自備馬匹。而不必于中途更換者也。糧科燈籠自帶。無勞供億。僕從傘扇自隨。何用兵導。廼清明霜降二祭暨上陵。文武衙門。卽雖未行牌至州。該州定于中途換馬。驛卒索錢貼夫。

或候宿于州城或餽送于陵上。或跪迎于道途。管軍各官馬兵前道張皇荅應不勝苦楚。勞勩飢疲不忍見聞。在京官原無一毫之益。而在該鎮實受萬分之困。此最宜痛禁節省。以休息該鎮者也。乞勅兵部咨劄各衙門。除壽宮在工兵工二部堂屬等官同監視大臣科道督工內臣原係兵工二部自行協濟。暫減半應付外。其春祭秋祭一應上陵大臣內臣文武等官。凡往回夫馬供億器物。一一俱令自帶。毫與昌鎮無得干擾。督撫按臣仍行令該州及駐劄本鎮

文武衙門前項趨承迎送通行禁革倘恭遇 聖駕幸謁例該防護接送仍須撫按量行協濟其隨駕內臣京官一例痛懲干擾并該鎮趨承凡有違者並令順天巡按與科道官訪劾一體究治若然則兵之疲弱得息肩之幸民之瘡痍有安枕之期由是而兵可選練民可完聚萬一警急可戒不虞 陵寢之環衛足壯而京師之肩背永安矣伏乞聖裁

根本要議有二

一節財裕國永庇兵民昔 成祖文皇帝時北虜馬

哈木王矣。而阿魯台負恩復叛。旋復納款。封和寧王。蓋醜虜犬羊也。其性不可測。而其款不可恃也。文皇帝有見于此。惟重內修。外攘。惟念威敵。以兵養兵。以食經國裕財。井井規制。而尤以躬節儉爲本焉。一日御順門。裏衣敝袖。納而復出。侍臣掄誦。文皇帝歎曰。朕日雖十易新衣。未嘗無。但念昔皇妣躬補故衣。皇考喜曰。后居富貴。勤儉。此正可爲子孫法。朕常守先訓。無敢忘。時有言山西出五色石者。文皇帝曰。兵革災荒。小民困苦。今又可以此困之。官府

求一物，卽百姓受一害矣。戶部尚書言白象食穀，文皇帝召御馬監官責之曰：爾輩坐食膏粱，豈知百姓艱難，如復敢爾，必誅不宥。孝宗敬皇帝念邊方多事，時有尚書馬文升奏言：虜在河套，乞將陝西絨褐內臣蚤取回京，以蘇困疲。敬皇帝曰：覽奏具見忠愛，都准行。劉大夏奏光祿日辦糜費，敬皇帝惻然下令裁減，歲省銀錢八十餘萬。大夏減修清寧宮軍夫，敬皇帝語閣臣劉健，謂大夏不以朝廷大工爲重，健曰：愛惜軍夫，司馬職也。敬皇帝忻然嘉納。

如大夏所裁。聖祖神宗聽諫愛人，節財裕國，垂萬世而光史冊者，蓋如此。迺今府庫空矣，百姓困矣，公私竭矣。大司農憂歲出之常數，多于歲入者二百餘萬。大司馬憂各邊之年例，請給內帑者，歲每加增廿萬。住牧不靖，遼東積歲兵連，貢市虜情難測。萬一叠有請給，誠不知計將安出矣。皇上法祖崇儉，聖性神明，節財裕國，臣下並當仰體。舉凡大臣言官，有以減織造、疏者，有以減鑲金、疏者，有以減買珠、買金、疏者，有以減油炭、草料、四火等銅，及查盤內庫錢糧。

疏者。此等題疏。無非忠愛我 皇上之至意。以後有請伏臬 皇上一一鑒採。俯賜施行。俾財用常節。國計常充。以給邊請。以奠民生。可以聚人。可以守位。四海兵民。舉沾被我 皇上聽言崇儉之休庇矣。伏乞 聖裁。

二隆德運治。永綏皇祚。臣聞明王有道。守在四夷。又曰無怠無荒。四夷來王。昔我 太祖高皇帝汎掃胡元。德盛治隆。貽萬世祚。惟 聖子神孫之踐祚者。務德與治加之意耳。夫心爲德治之本。學爲德治之資。

賢爲德治之輔。文皇帝嘗曰：朕每退朝，未嘗不思管束此心爲切要。太極圖性理諸書養心之說多備載也。敬皇帝因張元禎進講，亟索太極圖以觀。且曰：天以開朕，先是楊守陳以堯舜危微精一允執厥中之言進謂：陛下得于內者，恐未能如堯舜之深也。敬皇帝極嘉納之。夫二聖悅于養心以爲德治之本，蓋如此。至成祖命解縉進講章，御便殿閱書史。孝宗命程敏政早進講尚書孟子，午進讀大學衍義，其汲汲于學問以爲德政之資者，又若是也。

成祖論時政，謂小民恐有疾苦，邊鄙當嚴守備，夜則靜思熟計，旦則出與羣臣詳議。孝宗召大夏于便

殿曰：事有不可，每欲與卿商量，召劉健于西角門，曰：先生輩是朕心腹大臣，好爲處置。其惓惓于召見，議政以爲德治之輔者。又若是也。我皇上上法祖宗，留心德治，無事時常覺此心靜定，不見有喜怒好惡之偏，有事時常令此心安和，不有情慾躁妄之失，但覺有偏有失，稍一回思，疑攝諸念自銷。至經筵日講，皇上常御，而法官尤以誦讀爲常規。大臣言官。皇

上常親。而便殿日以召問爲樂事。臣昨陳保民裕國。曾以資誦覽。勤召對獻。茲再附二言者。忠臣愛君。終乞聰聽。仰惟 皇上採納。見諸行事。遠匹 祖宗德治之美。近撫中夏外夷之安。有苗之干羽可來。越裳之重譯可至。而 皇祚永綏于億萬禩矣。伏乞聖裁。

爲勲裔失教緩急之人乞賜申飭舊制務敦預

養以責成世臣報效疏

預養勲裔

查得營內各官。並無年幼勲臣一員。在營教習。大與臣昔巡視時事體不同。日晤督臣李言恭。尤切切以

勲裔失教爲念。先是臣每見兵部推一守備鎮守總督等缺。應用勲舊世臣者。節次以人才甚不多得爲憂。迺今益知勲舊之乏才。大由平日之失教。蓋文武人才。未有不儲養而得者。世祿之家。驕惰易生。儲養尤急。若不及早查復舊制。懇請嚴飭。又安望繼此得武勲之濟美。而朝廷有資于世臣之報效哉。曹瑋之韜略。雖不世生。而守備鎮守等之重任。亦不易稱。向使武經之不習。則毫髮之韜略。無聞禮教之不閑。則素性之驕惰。難化。古稱世祿舊家。宜敦素養。今者

祖宗明制，又何敢于背違也哉。查得 祖宗朝凡見襲公侯伯，未曾任事者，及公侯伯應襲年十五以上者，俱送京營聽總協大臣教習弓馬策論，講讀武經七書百將等傳。春秋兩次會同巡視科道考試，中有才器超卓者，會本奏薦，見襲者推南北五府等缺，應襲則授錦衣衛勳衛，附記將材簿內。遇有將領員缺並推。先年如靈璧湯世隆、懷寧孫世忠、彰武楊炳、伏羌毛登、奉寧陳良弼，則以見襲而薦用者也。嘉靖四十四年如徐文璧、張元功、萬曆四年如陳胤兆、九年

如徐廷輔俱授勳衛管紅盔將軍。則以應襲而薦用者也有。管營務充參遊佐擊。在嘉靖四十四年。則王應龍。四十五年。則王學詩。隆慶二年。則李言恭。衛國本是也。先後以任事名者。要皆不出教習經薦中也。數年以來。只因薦者多不用者。不由薦致勳臣一槩解體。俱不送管教習。彼誠謂教習而得薦也。且無推用之望。况教習而不薦也。又何苦受拘管之勞哉。不由教習。別路可推。遂視教習爲長物。而別求推用爲得計矣。臣查得巡視科道梁孟問等題爲 國家

閒暇乘時經理戎政以壯遠猷事內儲將材一款兵部覆奉欽依凡公侯伯勳官年十六以上三十五以下通行查出送營讀書習射可用者保薦錄用等因迺今背違明旨大失 祖宗深意伏乞勅下兵部申嚴舊制見今秋操屆期查照先今事理責限公侯伯見襲未任事者及應襲年十六以上三十五以下者除曾經教習保薦外其餘俱限半月以裏盡數查出送營遵依 祖制一一教習凡教習中有才行實可錄用年終會同科道特薦獨推兵部于特薦者見襲

卽推任事。應襲授勲衛。後並宜推用。慎勿遺棄。致懈人心。其原經科道官會薦有授勲衛未推用者。並應查出酌用。以風恬退。且示經薦必用之意。若經薦管事。年久無過者。並宜量移。倘一切未送京營者。本部切勿任以事權。以開別項覬覦。申飭之後。如尚有應送不送者。顯是驕惰自安。須薄罰祿米示懲。仍責必送。若然則武勲儲養有賴。將來緩急得人。席貂玉之貴者。多抱韜略。以登庸。延帶礪之盟者。世篤忠貞。以爲報矣。